



kat.komp.

22033

III

Mag. St. Dr.

P

*Sawicki Basilii: Serenissimae inter nubila mun-
di caelestis virtutibus, et martiris D. Cas-
mirus Sowiński committens —*

PANEG. et VITAE
Polon. Fol.
№. 1318

Biblioteka Jagiellońska



stdr0004867

SERENUM
INTER NUBILA MUNDI,
Eximijis Virtutibus, & Meritis,
PERILLVSTRIS, & REVERENDISSIMI DOMINI,
D. CASIMIRI
SOWINSKI,

DIVINÂ VOCATIONE,
SACRI, AC CANDIDISSIMI, CANONICORUM REGULARIUM,
ORDINIS PRÆMONSTRATENSIS,
ABBATIS NEO-SANDECENSIS,

Auspicatò

CORUSCANS:

Dum Cracoviæ in Ecclesia ejusdem Sacri Ordinis
Sanctimonialium Zwierzynecensi,

PER

ILLVSTRISSIMUM, ET REVERENDISS: DNUM,
D. STANISLAUM

à SŁVPOW

SZEMBEK,

DEI, & S. Sedis Apostolicæ gratiâ,
EPISCOPUM DIONYSIÆ, SUFFRAGANEUM,
CANONICUM, VICARIUM IN SPIRITUALIBUS,
& OFFICIALEM GENERALEM CRACOVIENSEM,
RITU SOLENNI

IN ABBATEM BENEDICERETUR;

A

M. BASILIO SAWICKI,

In Alma Univerſitate Cracoviensi, Philoſophiæ Doctore,
Novodyvorſciano Grammatices Profefſore,

In Orbis Faciem, Officioſæ Venerationis & gratulationis ergò,
Opere Panegyricò,

PRODUCTUM.

Anno Salutis 1699. Die 24. Februarij.

CRACOVIAE, TYPIS UNIVERSITATIS.

2. 22. 11. 5.

IN STEMMA,
Sacri, Candidissimi,
& Canonici Conventûs
NEO-SANDECENSIS.



22033 III



Asfurgit Virtus Cælo vicina Særeno,
Dum Patris & Nati gratior Aura venit.
Hoc iter, ad Sacræ Fastigia celsa Tiaræ:
ABBAS! pro meritis, ista Corona datur.

Remigius Chwalibeg,
Grammat: Studiosus.

S E R E N U M

Eximijs Virtutibus, & Meritis,
AUSPICATO CORUSCANS.

PRæcelsa Magni Nominis Fastigia,
indeficiens serenum nisi lustret, illustretq; Virtus;
condent nubila mundi.

Coruscantia, Dæ magnum colentis Antrum lumina;

(perennare hæc,

publica, Antoniorum, Ptolomæorū, Persarumq; exambiunt vota)
infuscant veriùs, quàm irradiant.

Ad fulgur hoc,

heû! quot, & quanti cæcutiunt Belisarij!

antequàm innubem non morituræ gloriæ viderint diem.

Tollunt quandoq; Cassios, Pompeios, Marios, Volubiles Fortunæ axes:
ad summum perennaturi splendoris haud provehunt Meridiem.

Nimirum:

In rebus humanis, eminentius virtute nihil;

& ad augem,

vbi trepidante è genu, reuerentis datur gloria pensi,

fidereo pertingit itinere;

Quadrijugos illius, labore plenos,

non levis meritorum Phaéton,

si condiscat agitare currus.

Progeniem illa sibi, non inficiandam Parenti,

Divinior immensi lux publica mundi,

terrenis vtcunq; latibulis natam,

ad suam, sublimibus altam honoribus, prouehit Regiam;

& sideribus porrigere maiestatem,

primævam negotij tenet partem.

Nulla caret Cynosura nube;

Nemo, populi favores sic habuit pronos,

vt iniqua nunquam sæviret aura.

In palatinis meritorum ædibus

nihil reperias;

A

quod

quod non solis radios æmuletur:
cui, si aliqua violentia, nubem tantisper offuderit;
proprij candoris conscia,
adversus insidiantes luci suæ, excandescunt fuligines,
eo ipso splendoris candidata:
quia merita.

Nempe:

*obscura illorum non latuit gloria;
nec aliqua, lucis suæ dispendia numeravit.*

Hæc, perpetui sine nube Sereni Epitome,
hæc, præcelsæ, æternumq; Venerandæ Virtutis claritudo,
atq; immortalium meritorum splendor,
veriori se explicuit documento,

In Te

Perillustis, & Reverendissime Domine,

D. CASIMIRE SOWINSKI,

Divinâ Vocatione, Abbas Neo-Sandecensis.

Tu propriâ meritorum luce,

exhibes Serenum inter nubila mundi:

In abditis nempe Religionis locis,

è fluctuanti vitæ huius Oceano assurgens Phœbus.

Et ex inde maxime

omnia dignitatis, plena laudis, plenissima gloriæ habes;
quòd citato Cursu:

ab ipsis videlicet Cunis,

in provectiori inculpatæ virtutis statione, positus semel,
nunquam declinasti in occasum.

Prospero Numine superûm,

Magnus Divi CASIMIRI Nominis Cultor,

in sublunarem, viventibus communem, effunderis splendorem:

vel ideo Magno Tutelare Tuo non indignus;

quòd Tibi, simili virtute rutilans, radiorum interviat ordo.

Iridem Te statim,

quam spondes Nominis etymo,

suspexere omnes:

hoc vno nobiliorem Iride;

quòd

quòd non egeas alienæ lucis suffragijs.
Currus non exambijisti paternos,
inq̃ diem, alipedum ius, & moderamen equorum;
quibus olim in hunc Tux Magnitudinis provehereris meridiem.

Non sum Argolus,

vt Horoscopum, aut præfaga de cælis sidera detraham.

Fuerunt fausta, huius vitæ prodroma initia;
quando ducto in obsequium, amplissimo recti satellitio & comitatu,
nitidum indulgentis Lucinæ detexisti ortum.

Desit in plerisq̃ maiorum gloria,

& meritis obligata serenitas:

Tuos Natales,

pietas cohæres, sapientia comes, continua in virtutem merita,
serenârunt, illustrârunt.

Tales circum caput omne micantes gerens radios,

Infantiam,

velut Titan, coas relinquens umbras,
ad Apſim verecundiæ, & honesti meridiem,

Divino commendante Platone

duxisti parallelam.

Coævam quippe voluisti ætati esse pietatem;

Aaronis in Te CASIMIRO prærogativâ ostensurus,
cum ipso flore fructum parturire.

Tandem,

innatam indolem Tuam protrudente Virtute,
Nobilem ad inclytum Iagellonicæ Pallados Horizontem,
promovisti gradum,

alteram institutionis hausurus lucem.

Rudiores anima, in pulchrum non ituræ nomen,

satis sibi scientifici ominantur illuxisse splendoris;

si otium suum perlustrent, & inertiam.

Tu,

palmarem virtutis & sapientiæ viam,

laudatis passibus emetiri instituens;

Cleantis haud extinxisti lucernam:

quin, diem publico eruditionis nitore serenâſſet.

Irem hic in vberriam Literariæ Eruditionis copiam;

Demirarer observando Phœbeos per Gymnasia gradus:
nisi adumbras edoctum ingenium, fuliginem offudisset.

Iuisti semper ex composito sapientiæ

ubiq; major.

Invitabant Te Arbores solis, in Academo virentes, sub tenerissimam sui vmbra
vocabant & libera in diversum mentis Tuæ studia & vota,

vt latioris ætatis fert genius;

sed non potuerunt:

Qui

Omnem mortalium scientiam, etiam Intelligentiarum æmulam lumē
esse factum; & festiva mundi gaudia, fatalem animæ caliginē, probè agnoscens

in Deo sapere, & lætari in Deo decrevisti.

Stat nulla certò prosperitas loco:

Rerum beatos tangere limites,

Immane portentum: omne latum

Ambiguo solet ire passu.

Itaque,

Ter binos supra decem numerando soles,
gemmeum, non rerum, sed morum arripuisti tramitem.

Non seculari fulgere nitore

sed candore animæ præluce sollicitus;

teneriore Supremi Iovis accensus amore,

Divinior Ganymedes,

Primitias Iuventutis,

in Præmonstratense Religioso Sacramento devovisti ministeriū,

Divorum Vitem, an veriùs vitam,

non mundanis ambrosijs,

sed Canonicâ ordinatam Regulâ,

serenior Phœbo auspicaturus.

Ergo,

Sanctitatis Delicium, collectio pietatis,

quibuslibet virtutis & meritorum donis ornatissimus,

verè Magnarum Alarum Aquila,

Perillustis, & Reverendissimus Dominus,

D. THEOPHILVS KACZYNSKI,

Abbas Neo-Sandecensis,

introduxit Te in Domum Domini ministrare.

Tali-

Talibus auspicijs

successit feliciter votum;

quia bene natum sanctius vivendi ardorem,

inculpata pietas Magistri præcessit.

Adeo namque fervens est ad gloriam nobile ingenium,

ut, quos sibi proposuerit in exemplar,

aut pari adæquare virtute, aut maiore præcurrere velit.

Lydius ille Spirituum, divini cultûs Assertor,

Illustris, & Admodum Reverendus Dominus,

D. ADRIANVS SWIECZANSKI,

Administrator & Prior Neo-Sandecensis,

fuit Divinior Hercules;

cuius Tu Theseus imitatus virtutem,

nullum transijsti gradum, quin altiore,

procedendo de Virtute in Virtutem, ingredereris;

ut dubium sit:

plusne admirationis? an imitationis reliquisses?

Tuum fuit illam,

quam, tanto sub Magisterio hausisti lucem,

egregijs moribus;

pulcherrimo vitæ apparatu;

& singulari devotione, reddere ampliorem.

Quis dignè referet?

Quomodò virtutem præclarissimam,

mundi sapientibus minimè notam,

ab ipsa Dei Sapientia mirificè commendatam,

Virtutem admirandam,

paucis dilectam mortalibus,

Humilitatem,

totò complexus animò,

inter reverentiam & amorem Numinis,

adusq; blandimenta & delicias Canonici Firmamenti

reliquis, Sideribus æmulis, splendorem diffundebas.

Tandem lux aurea venit,

quâ accederes ad Aras,

Verbo VERBUM, per quod omnia facta sunt,

è cælo in terras evocans;
DEUM, qui est ignis consumens,
Sanctior Prometheus
sub Eucharistico Pane & Vino,
& Gentibus, & pro Gentibus, meliore fide oblaturus,

Sacro sanctum hoc Epulum

non adire, sed involare videbaris;
& Angelica hac Dape reffectus,
ambulasti non quadraginta, vt olim Elias
ast nonies quadraginta diebus, totò scilicet annò,
ad Montem Dei Horeb.

Celsitudo hæc est, atq; fastigium Archiducis novæ militiæ religiosæ,
quæ nisi fundamenta in montibus altis habeat,
(*Homo Sanctus sicut Mons Sion qui non commovebitur*)
in vanum laborabit, qui edificare voluerit.

In auge hac,
Magnus oriebare Planeta:
cuius natura est in inferiora influere;
& *quâ affluit, eandem in infima spargere qualitatem.*

Influxisti pietatem,
inter exemplarium summos numerandus,
in gemmantes illos Præmonstratensis Plantationis Surculos;
atq; vitæ Sanctæ serenitas, circumfusa Tuæ luce modestiæ
(*quâ nil melius, nil post empyreas nobilius plagas*)
sic in ipso ætatis flore, maturavit fructum Virtutis:
vt messem perfectionis in herba colligeres.

Quid igitur?
Tantum Novaliorum Cultorem!
ad seminandum Verbum Dei in cordibus suis,
Sanctiores Vestæ invitarunt.

Bene est;
Annuis votis, quorumvis laborum magnitudinis capacissimus,
non indignum se, suâq; indole intelligens.

--- *sicut splendentia celi*
sidera, voluntur liquidum per inane micantes,

non tamen vt infimæ magnitudinis stellæ;
quibus latendi necessitatem intendit natura:
sed sicut Sol, suo semper illustris meridie,

fixæ impatiens sedis,
ad præcellsum Prædicationis in Cracio Meridiano Apogæum,
cum omnium gustu sapidissimo, provectus,

Sacris pro exedris,
Divinos ad Populum Electionis concinnasti sensus.

Quàm melleum in eloquio Ambrosium!
aureum in Verbis Chrysosthomum!
vehementiorem in fulmine Fulgentium!
& amabant plurimi, & regustabant Vniuersi.

Quid ni?

*gratiosus & suavis Ecclesiastes fuisti:
qui bis geminatis usq; annorum spatijs,
audiri debuisti regustando.*

Verùm non licuit

immorari amplius hemispherio illi,
præ summis Inclytæ LASOCCIORVM Domûs votis:

In Aulam,

quod vnum pro cunctis fama loquatur opus,
Illustris, & Magnifici Domini,

D. MICHAELIS LASOCKI,

Succamerarij Terræ Vissogrodensis.
indeficienti coruscantem sereno, promovisti gradum.

Sic tenuisse vestigia; quid aliud?

quàm respondentem Paternis virtutibus, carissimi Pignoris pupillâ

ad Te Titana explorari:

quàm genuinam Viri perfecti effigiem,
arte, Dijs effingendis, quàm hominibus meliore, formatam,
Vniuersæ Aulæ imitandam proponere, fuit.

Quantus hic virtutis Successus! Quantus meritorum Splendor!

Nobilissimam hanc Domum

ceu præmissam Speciosissimi Candoris Cynthiam
exortum à Maiorum Votis, augustius secutum est. Mane,

verè serenum inter nubila mundi.
Pulcherrimis decoribus vndiq; cumulatam lumen hoc,
non hebes sed avidior spectavit Hebdoma,
suumq; Magnum, (Priorem nempe) coluit Luminare:
à quò benefica lux in omnem illius sparsa vultum,
grandiorem meritorum diem,

Tibi illustri radio accendit.

Nempe

Certatum fuit feliciter, pro virtute, ac meritis Tuis,
suffragijs ac desiderijs omnium in Loco Honoris;
priusquam

CELSISSIMUS PRINCEPS,

Illustrissimus, & Reverendissimus Dominus,

D. IOANNES DE MALACHOWICE,

MALACHOWSKI,

Dei & S. Sedis Apostolicæ Gratia,

EPISCOPUS CRACOVENSIS, DUX SEVERIÆ

antiquæ probitatis, Candoris, & zeli PRÆSVL,

Pastor tantus!

Gemmeâ gratiarum suarum FASCIA

velut Zonâ aureâ,

Pectus Sapientissimum

Perillustis, & Reverendissimi Domini,

D. CHRISTOPHORI STANISLAI,

DE DEBICA,

DEBICKI,

Sac. Theologiæ & I. V. Doctoris, Ecclesiarum,

Cathedralis Crac: & Collegiata Sandomiriensis Canonici,

& Officialis, Præpositi Stobnicensis, S. R. M. Secretarij,

Angeli Magni Consilij

in supremum suffragiorum moderatorem

Neo-Sandeciam Deputati, revinciens,

Cor & votum tuis alligasset meritis:

Tu iam ABBAS in cordibus omnium victor triumphasti.

Sere-

Serenum inter nubila mundi,

Sacro illi affulsit cætui;

quòd laudatæ & exercitæ laboribus virtutis Honorarium,

ingens Religionis Insigne,

Tiaram,

& Virgam Directionis,

festino omnium plausu, Tibi deferret.

Tu vero quid?

Honorem illum multùm diuq; miratus,

quòd ad Te venerit:

Libentissimè ipsam virtutem ignorare volens,

quia prestantiam auctam vidisti:

ultra demissionem Religiosum efferre Caput,

grande piaculum arbitratus.

Vinctum Victumq; diu, modestissimo de Te sensu, tenebat animus,
an humeris?

Vices Sanctissimi PATRIS & PATRIARCHÆ Tui, imponeres;

atq; Abbatialis vigilantia curas,

munusq; Angelicum,

cum Viris integerrimis, Sanctitate illustribus;

Tantis Firmamenti Præmonstratensis Atlantibus!
IANTHICIIS, NAREBSCHIIS, IORDANIIS, MORSCIIS,
ZYCHOWSCIIS, ZERONSCIIS, SWIECZANSCHIIS,

atq; quos singularis commendat pietas, KACZYNIIS,

Novus Alcides,

communicares.

Sed devota Patrum effecere desideria;

ut Tu emeritissime,

Sanctam ABBATVM aperires PORTAM;

solveres signacula septem,

Decimus Septimus Abbas;

atq; Sacrum eius conscenderes Augustal.

Non est pondus honor, functa laboribus

Dum ceruix meritas, accipit Insulas:

Illi maxima moles,

Cui nullo merito Insula.

Quare,

intende prospere,

ut in eo Gemma splendidissima coruscaret;

Caput Tuum verè aureum, destinavit Virtus.

Extende Dexteram, prehende Virgam cum Aaron Florentem,
infer in Tabernaculum Domini, in perpetuam memoriam, & in signum
quod Deus accepit Te in Suum.

Procede purpuratis passibus;

quia per Gentilitias ROSAS,

Illustrissimi, & Reverendissimi Domini,

D. STANISLAI à Słupow SZEMBEK,

Dei & S. Sedis Apostolicæ Gratiâ, Episcopi Dionysiæ,

Suffraganei, Canonici, & Officialis Generalis Cracoviensis,

in Nomine Domini benedictus,

ad Tiaram.

Perenna, inclyta Abbatum Sandecensium Gemma;

Immortale Nominis decus & gloriâ;

Auspicata Serenitas; & Splendor Sacri Ordinis.

Applaudunt Honori Tuo singulorum vota,

& gratulantur:

Fulgeas candidum eximie virtutis & meritorum Lumen;

è terrarum sede in Præmonstratense Firmamentum.

à zelo pietatis translatum

supra ipsa Canonica Sidera,

Sidus Primæ Magnitudinis constitutum.

Auxiliantibus Præstitibus Dijs,

Nulla Tibi, ABBAS EMERITISIME factorum violentia,
audeat offundere nubem.

Hac insignitus Infulâ; hoc stabilitus Pedô;

Excelsus in Ecclesia Dei, per longævas annorum Myriades

serenos vivito soles;

donec ad cælestes, serus vocatus Tiaras,

Æternum illud Sanctissimæ Triados,

post nubila mundi,

in omnes æternitates contempleris,

SERENUM.

Permesso, Magnifici Domini

RECTORIS.

n,
um

K,
æ,

17

1

1757

1

1

1758

